

Michael Nicolaas y Mario Bikker a cuminsa otro caso

A nenga di laga Nicolaas y Bikker reanuda trabao na aeropuerto

ORANJESTAD(AAN) -- Michael Nicolaas y Mario Bikker a keda sorprendi ora cu dialuna nan a worde informa cu nan ta prohibi pa drenta aeropuerto. Apesar di e sentencia di Juez

caminda a rechaza e peticion di Aruba Airport Authority (A.A.A.) pa retira Nicolaas y Bikker for di trabao, toch hunta di comisario di A.A.A. a nenga di laga nan reanuda

trabao.

Dia 16 di November 1997, hunto di comisario di A.A.A. a dicidi di suspende Nicolaas. Despues di algun dia nan a kita Bikker for di trabao di inmediato pasobra el a nenga di asumi e puesto di director interino di aeropuerto.

Na dado momento A.A.A. a hala e suspension di Nicolaas pa bolbe suspend'e. Apesar cu Bikker a gana su caso den Corte contra su retiro, A.A.A. a suspende.

A.A.A. a cuminsa un caso di retiro contra Nicolaas y Bikker y siman pasa diahuebs e sentencia a cay.

Den e sentencia Juez a muestra cu for di e raport cu Deloitte & Touche a traha pa A.A.A. encuan to e proyecto di expansion di aeropuerto di cual proyecto ta sostene e forma di pensa di A.A.A., no por saca afor cu intencionalmente Nicolaas riba dia 11 of 29 di November 1997 a duna informacion incorreto of a haci expresionnan infunda tocante su preocupacion.

Ademas Juez ta muestra cu e

raport no ta procedente di un instancia no partidario mescos cu Nicolaas a remarca ya cu e compania ta involvi den tumamento di decision di e proyecto.

Juez ta haya cu ta evidente cu A.A.A. mester tin un bon relacion di trabao cu e diferente funcionarionan y organonnan cu conhuntamente ta forma e dirigencia di aeropuerto. E no ta haya ta husto pa termina e relacion di trabao cu Nicolaas.

Pa lora ta trata Bikker, Juez a opina cu Bikker no ta obliga pa acepta e nombramento di hunta di comisario di Aruba Airport Authority (A.A.A.) como director interino y pesey ta haya cu no tin motibo pa termina e relaciona di trabao manera A.A.A. a pidi.

Despues di e sentencia di siman pasa, Bikker a expresa cu e ta sumamente contento cu e sentencia y cu e no ta sinti e comodo na aeropuerto y ta spera cu lo bin un cambio den e forma di traha caminda tanto e como hunta di comisario di A.A.A. lo tin un mihor

forma pa comunica cu otro.

Nicolaas a expresa cu husticia a prevalece. Juez a bisa bon cla cu no tin motibo pa kita Nicolaas y Bikker for di aeropuerto.

Nicolaas a bisa cu tur caminda cu hende ta traha por comete eroman pero semper mester crea e posibilidad pa papia cu otro cu respet mutuo y asina soluciona problemanan cu por surgi.

Door di suspende y retira hende di trabao, trata di susha hende su number, no ta e forma corecto pa trata bo trahadoman.

Dialuna despues di a haya nan mes confronta cu e situacion cu nan no ta permiti pa drenta edificio di aeropuerto, nan a notifica nan abogado mr. Kroon kende inmediatamente a cuminsa un caso sumario.

Otro siman diamars 24 di Februari, 3'or di atardi Corte lo trata e caso aki. Lo bay ta interesante pa sa kico ta e argumentonnan di A.A.A. pa no kier laga Nicolaas y Bikker drenta aeropuerto.

Biento a pone dos boto dal den otro

ORANJESTAD(AAN): Dos homber na tera tabata discuti tocante nan boto cu a dal den otro riba laman.

Den e mundo aki muy en particular tempo di cuaresma sa pasa cosnan straño. Central di Polis a dirigi Patruya na altura di Brizas del Mar. Na e lugar indica Polis a topa y

papia cu e homber di inicial F.L. Segun e homber aki cu su boto a ricibi daño.

Boto di F.L. ta mara y na dado momento boto di B.K. lo a los bay. B.K. su boto sin rumbo a bay dal den boto di denunciante. Posiblemente e biento fuerte cu e dianan aki ta suplando fuertemente por a causa cu e dos botonan a dal den otro. Consecuentemente e boto a sufri daño material.

Segun calculo, esaki lo bay costa den careda di 100 Florin. Tanto F.L. y B.K. a yega na un acuerdo nan lo regla e asunto aki como un bon piscador.

TESTIGONAN TA REACCIONA

ORANJESTAD(AAN): -- Ayera DIARIO a haya yamada di algun persona kendenan a mira e dos macambanan sali no burachi pero pata pata for di Joey's na Savaneta y subi auto y bay ocasiona e accidente fatal.

Segun e testigonan ta bisa cu nan ta dispuesto pa declara ya cu nan a mira con e macambanan a sali for di e lugar y casi nan no por a para riba nan pia.

No ta conoci con e test ta bay wordo haci of si lo bay haci test di e sanger di e macamba aki cu tabata tras di stuur di e auto Nissan Sentra color blanco cu number V-2637.

Por ultimo si e test sali positivo e macambanan aki ta den problema hopi serio ya cu nan mester bay sinta castigo mirando cu tin icy cual esaki ta cay bao dje unda si bo ocasiona un accidente fatal y resulta cu bo ta burachi bo por haya un castigo maximo di cuater.

FOR SALE

Restaurant equipment
Shoarma Grill Afl.2.200,-
32" Hot plate to Bake
Hamburgers etc. Afl.2.200,-
exhaust hood with motor
etc. Afl.3.400,- also, Oven,
etc call for info. 8-30838
Ask for Esmeralda
only 3 month in use.

COMETA MANCHI!!

